

VENDIM
Nr.105, datë 28.3.2011

MBI MOSRINOVIMIN E LICENCËS SË SUBJEKTIT TELEVIZIV PRIVAT KABLLOR
“TV KABLLOR AL-TE”

Këshilli Kombëtar i Radios dhe Televizionit, i përbërë nga:

Endira Bushati	kryetare
Alban Karapici	zëvendëskryetar
Suela Musta	anëtare
Sami Neza	anëtar
Gent Ibrahim	anëtar (në mungesë)
Zylyftar Bregu	anëtar

Pasi mori në shqyrtim çështjen me:

OBJEKT: Për shqyrtimin e kërkesës për rinovim licence të paraqitur nga subjekti televiziv privat kabllor “TV kabllor AL-TE”.

BAZA LIGJORE: Neni 7 pika 21, neni 25 i ligjit nr.8410, datë 30.9.1998 “Për radion dhe televizionin publik e privat në Republikën e Shqipërisë”, të ndryshuar, rregullorja “Mbi procedurat e licencimit dhe rilicencimit të operatorëve privatë radio e televizivë”, miratuar me vendimin nr.1, datë 29.1.2010 të KKRT-së, vendimi nr.157, datë 22.10.2010 i KKRT-së “Mbi shqyrtimin e dokumentacionit për rinovimin e licencës së subjektit televiziv privat kabllor “TV kabllor AL-TE”, ligji nr.8485, datë 12.5.1999 “Kodi i Procedurave Administrative të Republikës së Shqipërisë”.

VËREN SE:

KKRT-ja, me vendimin nr.277, datë 29.10.2004, ka licencuar subjektin, shoqërinë “AL-TE kabllor” sh.p.k., si operator televiziv privat kabllor “TV kabllor AL-TE”. Në përfundim të afatit të licencës, subjekti televiziv privat kabllor “TV kabllor AL-TE” ka paraqitur dokumentacionin për rinovimin e licencës.

Në përfundim të shqyrtimit dhe vlerësimit tërësor të aplikimit nga ana e Komisionit të Shqyrtimit të Dokumentacionit, KKRT-ja me vendimin nr.157, datë 22.10.2010 ka vendosur mosrinovimin paraprak të licencës së subjektit televiziv privat kabllor “TV kabllor AL-TE” për shkaqet e parashtruara në vendim.

Sipas pikës dy të vendimit, ky subjekt kishte të drejtë që brenda 30 ditëve të parashtronte pretendimet e tij lidhur me këtë vendim. Subjekti nuk ka paraqitur pretendime me shkrim për vendimin e mësipërm.

KKRT-ja konstaton se subjekti televiziv privat kabllor “TV kabllor AL-TE” nuk ka shlyer detyrimet financiare ndaj KKRT-së dhe nuk ka depozituar asnjë bilanc vjetor me përjashtim të bilancit ekonomiko-financiar të vitit 2009. Depozitimi i bilanceve është detyrim ligjor i parashikuar në nenin 48 të ligjit nr.8410, datë 30.9.1998 “Për radion dhe televizionin publik e privat në Republikën e Shqipërisë” të ndryshuar.

Nga sa më sipër, rezulton se nuk mund të rinovohet licenca për subjektin televiziv privat kabllor “TV kabllor AL-TE”.

PËR KËTO ARSYE,

Këshilli Kombëtar i Radios dhe Televizionit, në mbështetje të nenit 7, pika 21, nenit 25 të ligjit nr.8410, datë 30.9.1998 “Për radion dhe televizionin publik e privat në Republikën e Shqipërisë”, të ndryshuar, rregullores “Mbi procedurat e rilicencimit të operatorëve privatë radiotelevizivë”, miratuar me vendimin nr.1, datë 29.1.2010 të KKRT-së, vendimit nr.157, datë 22.10.2010 të KKRT-së dhe ligjit nr.8485, datë 12.5.1999 “Kodi i Procedurave Administrative të

Republikës së Shqipërisë”,

VENDOSI:

1. Të mos rinovojë licencën me nr.020/RTV kabllor të subjektit televiziv privat kabllor “TV kabllor AL-TE”.
 2. Licenca nr.020/RTV kabllor bëhet e pavlefshme.
 3. Subjekti sipas pikës 1 të ndërpresë menjëherë transmetimin.
 4. Kundër këtij vendimi mund të bëhet ankim në gjykatë, në përputhje me Kodin e Procedurës Civile, kreu “Gjykimi i mosmarrëveshjeve administrative”.
- Ky vendim hyn në fuqi pas botimit në Fletoren Zyrtare.

KRYETARE
Endira Bushati